



## Publicaziuns dalla vischnaunca, jamna 16

### Damondas da baghegiar

#### 2017-1027.000

##### Datum dalla publicaziun: Ils 21 d'avrel 2017

Il patrun: Cuminonza da proprietaris en condomini Casa Ucliva c/o Claudio Albin ed Aurelia Flepp, Via Funs-Dado 4 7180 Disentis/Mustér  
Il representant: Gujan+Pally Architekten AG Via Lucmagn 19, 7184 Curaglia  
Object: Sanaziun dalla casa sin parcella 671, Via Funs-Dado 3, 7180 Disentis/Mustér

#### 2017-1029.000

##### Datum dalla publicaziun: Ils 21 d'avrel 2017

Il patrun: Pendicularas Mustér SA Via Acletta 2, caum postal 88 7180 Disentis/Mustér  
Il representant: Pendicularas Mustér SA, c/o Rudolf Büchi, Via Acletta 2, caum postal 88, 7180 Disentis/Mustér  
Object: Correctura dil trassé dalla pista a val en cumbinaziun cun ina damonda da runcada, parcelas 3012 e 2657 Plaun Menisch e Plaunca Su 7180 Disentis/Mustér

- Ils plans da construcziun ein deponi tier l'administraziun communal.
- L'envesta publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/ Mustér. La protesta sto esser motivada e suttascretta dil recurrent ni da siu representant. Disentis/Mustér, ils 18 d'avrel 2017

*Uffeci da baghegiar Disentis/Mustér*

---

### Serrada dalla via Cavardiras

#### Tschancun Brulf entochen tier il dutg da Caprau

Igl uffeci cantunal da construcziun bassa dil Grischun preveda ina sanaziun generala dalla via da comunicaziun a Cavardiras.  
Duront las lavurs da construcziun sto la via vegnir serrada per scadin traffic sil tschancun Brulf entochen tier il dutg da Caprau.

#### Las lavurs da construcziun entscheivan suenter Pastgas e cuozzan entochen la fin d'uost 2017. In urari detagliau dalla serrada suonda pli tard.

In'untgida ei pusseivla sur la via da comunicaziun Pardomat-Cavardiras per vehichels entochen 11 t.

Per pedunzs e velocipedists ei il passadi adina pusseivels. Per ulteriur sclariment san ins sevolver tiel responsabel digl uffeci da construcziun bassa dil cantun, Pius Cavegn, telefonin 079 334 74 14, ni tiel menader digl uffeci da baghegiar, Ervin Maissen, telefon 081 920 36 46. Bien engraziament per Vossa capientscha.

Disentis/Mustér, ils 20 da mars 2017

*Uffeci da construcziun bassa dil Grischun, district 6  
Pius Cavegn*

*Uffeci da baghegiar dalla vischnaunca da Mustér  
Ervin Maissen*

---

### Deponia da verd e caglias a Raveras

Dapi igl atun vargau ei vegniu constatau sin la deponia da rufids organics (fein, pastg restonzas d'iert) e caglias a Raveras ch'ei vegn deponiu cuntinuadamein tschendra ed auters rufids buca lubi.



La tschendra cuntegn meinsvart burnida ed effectuescha aschia adina puspei incendis sin la deponia. Nus supplichein la populaziun da setener vid igl uorden indicau e da desister da deponer materials buca lubi ni materials che san caschunar incendis ni auters donns.

*Suprastonza communal*

---

### **Controlla da habitonts**

#### **Mortori**

Felix Agosti-Maurer, naschius ils 4 d'uost 1929, morts ils 13 d'avrel 2017 (staus sesents ad Uster).

---

### **Rimnada da pupi**

#### **Venderdis, ils 21-4-2017**

Adatg! Ei vegn mo rimnau: gasettas, illustradas, catalogs, cudischs e prospects stampai. Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00). Bien engraziament per Vies agid e sustegn!

*Scolas Mustér, Ch. Berger*

---

### **Societad sempli Alp Run Mustér**

**Preavis – Radunonza generala, venderdis, ils 26 da matg 2017** allas 20.15 el hotel «Alpsu», Mustér.

---

### **Hotelleriesuisse-Präsident Andreas Züllig im Forum Kloster Disentis**

Am **Montag, 24. April 2017**, um 20.30 Uhr spricht im Peter-Kaiser-Saal Andreas Züllig, Präsident Hotelleriesuisse, über das Thema Herausforderungen und Chancen in peripheren Räumen. Herzliche Einladung

*Kloster Disentis, P. Urban Affentranger*

---

### **Controllas apparats d'udida**

**Gliendisdis, igl 1. da matg 2017** saveis Vus schar schubergiar e rugalar Vies apparat d'udida:

9.00–10.30 en Casa sogn Martin a Trun

11.00–11.40 en Casa sogn Giusep a Cumpadials

13.15–14.30 el Puntreis, Center da sanadad a Mustér

Las firmas Amplifon cun dunna Roffler e Jäggi cun signur Gfeller sorprendan comunablamein quei survetsch gratuit per tuts interessents. Ei drova negina annunzia.

---

### **Stalkino – Cinema Salaplauna**

**Film: «Einfach leben» (CH 2016). Donnerstag, 4. Mai 2017, 20 Uhr, Center sursilvan d'agricultura, Disentis/ Mustér**



Ein Leben unabhängig von gesellschaftlichen und wirtschaftlichen Zwängen, ganz im Einklang mit der Natur – ist das überhaupt möglich? Im malerischen Idyll in den Bergen der Val Lavizzara im Tessin haben sich mehrere Menschen zu einer Genossenschaft zusammengeschlossen, um genau so ein Leben zu führen. Das Urteil bleibt schliesslich dem Zuschauer überlassen; Ist das hinterwäldlerisch oder bewundernswert? Sollten mehr Leute so leben, oder lieber gar keine? Ein Dokumentarfilm über drei Menschen, die ein anderes Leben wagen. Kollekte

---